

03/15-1
504

**UGOVOR
ZA USLUGE OBAVEZNOG OSIGURANJA
MOTORNIH VOZILA MUP-a KS**

Ugovorne strane:

BOSNA SUNCE OSIGURANJE d.d Sarajevo, Podružnica Sarajevo, ulica Trg međunarodnog prijateljstva broj 20, koga zastupa direktor podružnice Jasna Frljak (u daljem tekstu Osiguravatelj)

MUP KANTONA SARAJEVO, ulica La Benevolencija broj 16, koga zastupa ministar unutrašnjih poslova Vedran Mulabdić (u daljem tekstu Ugovaratelj osiguranja)

Član 1.

Predmet ovog ugovora je pružanje usluga obaveznog osiguranja motornih vozila za potrebe MUP-a KS, provođenjem otvorenog postupka objavljivanjem obavještenja o nabavci 1364-1-2-89-3-78/16 od 14.07.2016. godine, a na osnovu Odluke o izboru najpovoljnijeg ponuđača broj:01-345-2/16 od 05.10.2016. godine.

Ponuda Osiguravatelja broj 148/16-JG od 01.08.2016. godine sastavni je dio ovog Ugovora.

Član 2.

Ugovorne strane se obavezuju da će se pridržavati cijena iz ponude koja je prihvaćena za svako pojedinačno motorno vozilo i da se neće mijenjati u toku trajanja ovog ugovora. Cijene su sa uračunatim PDV-om.

Ukupna vrijednost obaveznog osiguranja motornih vozila iznosi 79.720,63 KM sa PDV-om. Osiguravatelj se obavezuje da će pod istim uslovima u periodu trajanja ovog ugovora pružati usluge obaveznog osiguranja za motorna vozila Ugovaratelja osiguranja.

Član 3.

Osiguravatelj se obavezuje dostaviti bankovnu garanciju za izvršenje ugovora u iznosu 10% ugovorene vrijednosti, u roku od sedam (7) dana od dana obostranog potpisivanja ugovora.

Član 4.

Osiguravatelj se obavezuje da će odmah pristupiti uviđaju i procjeni prijavljene štete, a najkasnije u roku od 24 sata, te se obavezuje da osiguranik može pristupiti saniranju štete kod svakog ovlaštenog servisa za popravku vozila na teret osiguranja.

Ugovorne strane su saglasne da će se utvrđena šteta plaćati u roku od jednog (1) dana od dana dostavljanja prijave osiguranog slučaja sa kompletnom dokumentacijom.

Ugovorne strane su saglasne da će se premija osiguranja plaćati u roku od 366 (tristotinešezdesetšest) dana od dana obostranog potpisivanja ovog Ugovora.

Član 5.


Ovaj ugovor se zaključuje na godinu dana od dana potpisa obje ugovorne strane.

Član 6.

Sve eventualne nejasnoće nastale po ovom ugovoru, ugovorne strane će rješavati sporazumno. Ukoliko to nije moguće, za sve eventualne sporove nastale po ovom ugovoru nadležan je sud u Sarajevu.

Član 7.

Ovaj ugovor je sačinjen u četiri (4) istovjetna primjerka od kojih svaka od ugovornih strana zadržava po dva (2) primjerka.



Broj: 1653371

Datum: 21.11.2016

Broj: 01-345-3/16

Datum: 17-11-2016